

Ahnunfürsich

Quelle mit Übersetzung: www.bap.de

1. Wer säht dann, dat ich dich noch vermess
un ich hing nur noch vüür der Kess?
Näächtelang, dat ess wirklich nit wohr.
Nä, em Ähnz, ich saach et dir, hühr mir joot zo:
Aff un zo sinn andre Fraue do,
aff un zo. Jo, ich kumme schon kloor.

2. Joot, ich drink jetz'e paar Droppe mieh,
doch, wat soll't, et deit ech nit mieh wieh.
Hann die janze Buud renoviert,
woot och Zick un ich saach et dir: Hätt sich rentiert,
he ess nix mieh, wat zo dunn hätt met dir,
nur om Flur dat verstemmte Klavier.

Refrain:

Ahnunfürsich denk ich kaum noch ahn dich,
jarkei Problem, ich hann alles om Schirm.
Ahnunfürsich denk ich kaum noch ahn dich,
ahnunfürsich.

3. Joot, ich hann länger nit opjerühmp
un dat Leerjut künnt och weg, stemmp.
Ävver nit, dat mer he nix mieh fingk,
fing och nit, dat die Spöhlmaschin noh Müllämmer stink
un dä Lou Reed noh Beerdijung klingk.
Wat weiß ich, wovun dä'm Augebleck singk !?

4. Nobby säht, et jööv ene Typ,
wo mer dich neuerdings off met sieht.
Denk jetz nit, dat mir dat ir'ndjet mäht.
Jedenfalls, wenn dä läppsch weed, roof ahn, saach mer Bescheid.
Ich kumm jähn ens koot me'm Hammer vorbei
un bring ihm Maniere bei.

- Refrain -

Ahnunfürsich denk ich kaum noch ahn dich,
ahnunfürsich.
Ahnunfürsich denk ich kaum noch ahn dich,
ahnunfürsich.